

藝文

書、論、
電、行、
詩、函、
文、歌、

青海省地方史志
資料摘鈔集

經呈青海意見書

曉發平涼

急須開發青海論

巡視青海紀行雜咏

反對國鴻飛電

麒麟公園金塔口占

青海行 (高活)

西北行 (羅卓英)

重遊西甯

誄周希武文

九日遊塔爾寺

誄李迺某文

錄

樂都吊南涼王兄弟

青海歌 (羅家倫)

秋自青海旅行雜吟

御製平定青海志感太學

辯救陸督宣三漢回世仇電文

碑文

陸督上執政力誠回族原電

青海行 (居正)

國務院公函 (一)

蒙藏局公函 (二)

經畧青海意見書

竊維青海據江河之上源作隴蜀之屏障西連藏衛北走新疆
天產蘊蓄亘古未闢考其住牧民族則有蒙古二十九族揅帳
於北部玉樹二十五族棲息於南部環海則有剛咱八族濱河
則有果洛野番前清盛時國威遠播視青海為次邊未嘗加以
布置不過青海長官歲時會盟聊示羈靡而已洎乎民國肇造
廢去青海長官改設宣慰使由西甯鎮兼充既又併歸為甯海
鎮守使升為一等繁缺軍民得以兼理仰見中央注重甯海之
意然國事日非邊局益棘庫倫獨立而海北蒙古時有潛通消
息之虞西藏反而海南番族更有脫維羈絆之想特以蒙弱番

強而海北各旂未敢蠢動而番族安亂已非一次五年有隆務
之安六年有貴德之安七年有拉卜塔寺之安十年有果洛河
野番之亂幸仗國威次第勘定而禍機四伏根株未絕邇來中
英藏會議問題咄咄逼人而界務節畧欲將崑崙以南當拉嶺
以北劃為內藏中國不設官不住兵果如其議將青海大半部
將非吾國之有蓋英人垂涎青海已非一日自大吉領鐵路築
到噶倫琿以後而高務上之勢力駸駸乎有包舉青海之概祇
以歐洲近年疲於戰爭故英人不暇東畧今則戰事結束將舉
全力以經營遠東此西藏問題所以日趨迫燃眉也總之衛藏
係中國領土一切問題應由中藏自行解決他人何得干涉况

內外藏名義達賴曾對通問負言明彼並不知情當由通問負
據情轉由張前督呈明國務院在案可見界務一節決非西藏
本議意純係受人愚弄吾國人果能一致對外則森姆拉會議
當從根本否認方合正辦即不能然而界務一端當一仍前清
之舊萬不能誤認內外藏名目自處疆土必然有綢繆牖戶之
良模而搖折衝樽俎之妙算某自受任甯海之初深恐庭除不
掃梓生他人覬覦曾經先後呈准甘肅甯道設置玉樹都蘭理
事負以立民事之基礎自恰卜恰大河填長石頭至於結古築
營置戍以聯邊軍之勢聲並安設各路台站以利交通叡辦蒙
番學校以開風氣雖草昧經營端俛粗具而款項支絀規模未

宏現在內憂外患相逼而來失令不畜後必噬臍謹就平素所懷臚陳經營之策如下

一曰設官有人民而後有官吏者社會自然之進化也有官吏而後有人民者國家人為之發展也二者互相為果亦互相為因青海榛極滿目土廣人稀今欲從事開闢非仿照東蒙設置局甘邊理事負之例先置委員使之分疆而治各負責任不能為功然於北蒙南番之廣袤僅治以都蘭玉樹兩理事負勢不暇給理難為偏周查都蘭東北之瓊科東南之河堤西北之台吉奈爾及循化以南之拉卜塔寺四安亥水草豐美蒙番聚集或地雷津要商旅流通擬各設理事一員

以分治附近之旂旅族玉樹各族地大物博原設理事員住
在扎武族之結古地方偏在東部未能遠理西南各族擬在
囊謙中渠狼錯三土司地方各設理事一員以分治附近之
土司又果洛新州分為五族而購糧孔道在貴德西南四百
餘里之那加寺擬就設理事一員以撫治果洛與河南西四旂
蒙古共計原有理事二員擬增設理事八員為能任用得人
招接有方數年之後高民麋集不難成邑成都進升為縣然
後仿照熱察綏或川邊之例劃歸西甯劃青海為一區內分
海北海南海東為三道以督察各縣庶幾機關立而人才聚
經緯萬端皆有所自始矣

二曰開墾吾國目前之大患內地多游民邊地多曠土故游
民多為兵為匪亂無已時曠土多故強鄰窺伺屢起干涉歎
去二患而興大利莫如移民實邊之一策况青海幅員遼濶
土膏鬱集實天留一未闢之洪荒以為今日移兵消兵之尾
閭者或謂青海風氣高寒不適農事不知人民所聚氣侯為
之轉移况玉樹各族已經耕牧相雜乎某有鑒核此曾於民
國十二年秋間呈請督署設立青海墾務局定立章程分科
辦事撥分民屯兵屯兩種民屯辦法先由鎮署遴派宣傳員
向甘肅內地各縣商請地方官紳派人會同辦理傳宣招募
墾戶並負招待護送之責組織調查隊於指定應行開荒之

要測量地形面積查勘道路交通擇選地址建築農村每村以百戶為限少則以六十戶為一村所有建築工程先由鎮署調用軍隊担認建築農村工程畢即以原有軍隊實行民墾至兵墾辦法擬按照察哈爾綏遠墾務章程組織屯墾隊每隊兵目及兵丁共一百人由公家發給牛具籽種以十年計劃逐漸增加扣退任時即以隊長隊附充任村長村副兵目等改充屯戶所有辦理細則另行規定查循化所屬之拉卜場寺隆務寺西甯所屬之郭密及湟源之倒淌河等處附近內地氣候溫暖土質饒腴正宜着手開墾以期漸次推廣經費一層雖從前由督署承認核撥實未領到分分文若能由

省庫籌出若干以資補助將見化榛狂為文明亦經營西北之根本問題也

三曰礦務寧海礦產之富甲於西陲如北大通助勒蓋瑪沁雪山娘錯之金貴德柴達木之銀香兒德之紅銅哈賴賴哈精之鐵保安之鉛毛伯勝之煤成色沅佳產額亦旺惟煤礦係用土法開採僅足供附近各地燃料至金礦亦照舊法全用人工由沙中淘揀用力多而成功少每年所獲之金尚不敷所納財廳之礦務稅誠為可惜擬一面遴派妥員馳赴湖南山西東三省等處視察開採情形一面聘請歐美或者內外礦學專門人才先從調查入手資令編歷寧海各地測量

礦產一俟確有把握然後招集大商合股開辦礦務公司並
設立礦務學校造就應用之才庶幾寶藏盡出而富源自闢焉
四曰交通青海幅員遼濶游牧各族遷徙無定目極千里闕
無人煙冬則大雪封山夏則水草阻洳行者裹糧結隊露宿
風餐極感困難自西甯至玉樹非經月不達自西甯至藏邊
非兩月不達民族不能發展百物不能振興此則其最大原
因前清雍正乾用兵時代自柴達木北通新疆南走藏衛皆
係大道斥埃相望承平既久蕪塞年來設台站自哈卜哈
至於都蘭自郭密至於玉樹文報漸利而玉樹都蘭等處近
亦設有郵局惟辦理電報政係屬最急之要務查拉薩自民

國十三年四月已設有英藏電綫川邊一帶亦經設有電報
至青海孤懸塞外所有消息更宜力求靈通西甯至玉樹向
為平坦通衢擬沿途栽植電杆以期聲息相通不致有杆格
之患並脩築甯玉汽車路以求運輸之迅速將來漸次推廣
則南至西藏西至新疆庶可交通無阻百事俱興此實著手
經營莫要之前提也

五曰教育青海地面蒙番雜處種俗各異言語不齊每有設
設常苦杆格西甯原有蒙番學校一處內設師範中學及高
校小學初級小學所有師範講習科業經畢業兩次已委赴
各處充當教員以期言語文字風俗習慣之趨於一致現在

開辦初級小學共十六處惟區域寬遠難期推廣擬由鎮
署每年派委視察員二名分往各游牧地認真督催並設青
海教育局以為考核成績之機關且於蒙番學校內增設墾
植畜牧兩科俟畢業後派往各處調查氣候土質道路水利
等項並負指示輔助之責至於青海教育總會業於去歲成立
擬將玉樹都蘭魯沙尔拉卜塔卡布卡隆務者寺羊官寺郭
密等劃為八學區設立教育分會則關於蒙番文化事業方
可日漸發達也

六曰軍政今日憂時之士莫不主張減兵矣然腹地之兵可
裁邊地之兵宜增腹地之兵兵多此內訌所以無已也邊地

兵車此外患所以莫禦也以甘肅論歲糜兵餉三百餘萬而
寧海邊軍不能占十分之一以青海防務論與藏連界綿亘
千里以絀餉教寡之兵任此路寫線遠之防分之則勢單力
弱合之則顧此失彼且內地飽食優游殘民以逞就時有脫
中之安邊軍辛苦遠戍終歲不免飢寒在平時已不無茆枯
相形之歎怨一旦有事何以責其死守且經營青海造端弘
大蒙番愚頑時有梗阻一切保高保民保礦保墾皆非兵不
現有之兵遠不敷用擬請將甘肅之冗兵酌裁數成以節出
之餉撥助寧海仿照陸軍餉章營制編寧海軍為個三混成
旅其一旅分駐囊謙格吉中坭一帶而集中於結古其旅分

駐瑪雪沁山大河堤都蘭一帶而集中於西寧其一旅分駐
保安隆務黑錯奴拉一帶而集中於拉卜塔寺兵力既敷分
布不獨經營布置得免窒碍且可聯絡川邊立規復西藏之
基較之宿兵內地不戢自焚者相去於萬里也

七曰工業查青海每年所出羊毛皮張為數甚鉅均運往天
津上海大半出售於洋商經外國工廠製造以後復銷貨於
中國利源外溢莫此為甚當此抵制外貨之時豈容自有之
原料而予他人以權利擬在西寧招集股本設立製革綫呢
等廠庶幾青海所產之原料以供青海之需用此尤致富之
本而提倡國貨之一端也

八曰留佛查此次班禪出離後藏係受前藏親英派之排擠
前由青海直赴敦煌本於款遠道赴蒙住錫庫倫如果行其
初志難保不為日俄所利用萬一枝節橫生則青海均受影
響蒙番人民對於班禪其愛戴之深本不亞於達賴今年入
覲固已優待備至從此苗地之西寧或塔爾寺或拉卜塔寺
以堅蒙番內附之心且開西藏人民東來之路至歲經費自
有蒙番各旂族踴躍樂輸不致或有缺乏此實收拾青海人
心之策亦解英法藏交涉之道也

九曰禁煙查甘肅近年以來煙禁廢弛毒卉滿地以致糧價
時漲民鮮蓋藏青海方面雖未播種然產之區不外西寧碾

伯大通三縣從前該處所產豆麥木以供給寧屬各縣之食
用所產豆麥青料僅以接濟蒙番自甘肅種烟以來糧商紛
紛而至所有各縣麥豆均販運省垣至青稞則寧屬人民留
以自食以致蒙番有絕穀之患如甘省能於此時禁絕煙苗
遍植嘉禾則省垣附近各縣自可接濟省中而寧屬各縣之
糧庶可供給蒙番此尤恤民艱之要旨也

總之青海毘連庫藏關係西北大局至為重要現值列強窺視
眈眈侵畧政策日甚一日若不立即經營恐不免為庫藏之續
此則惟可隱憂者也惟經營籌萬端非財不舉撥一而由省內
外大資本家籌集巨股開設殖銀行一面呈請中央於國家

收入內按時補助雖當此經濟破產司糞仰屋之際然用之於
興利之途所費者有限而孳生者無窮某承乏甯海十歲於茲
蒿目邊局焦籌已久曾於政府屢呈區表以時事變遷竟致蹉
跲今幸值承

大帥福星遠臨且素抱開闢西北之宏願察綏西區之一切仁
心仁政彰彰在人耳目失今不言更待何時為此披瀝下忱縷
呈各節伏乞鼎力主持以利進行邊局幸甚國家幸甚

急須開發青海之論

青海位於我國西部為江河發源之地外接新疆內連川甘占
極重要之位置有控制全國之勢土地廣袤物產豐富洵西北

最富饒之區然其至今尚過原始時代之畜牧生活不知開墾
良田以增生產開採礦苗以厚利源利用林木以供建築而我
國政府亦因頻年多事未顧及以致肥美土地荒蕪未闢豐富
礦產盡藏於地遍山深林未能利用誠為可惜所幸十餘年來
雖外患日亟內亂頻仍而青海一隅未雲波及近來達賴親英
西藏改權大都操入英人之手內藏外藏之說日盛侵畧併吞
之策亦日益毒一旦西藏淪亡則青海有唇亡齒寒之憂最近
英人將基督教聖經譯為西藏文字在青海各寺宣傳且於附
近漢地城鎮設立蒙番福音招待蒙番人民威迫利誘無所不
用其極一般民衆被其愚弄而歌功頌德者不知凡幾目今之

勢實如累卵東國政者不可不加关注青海土地廣約二百十
萬方里人民三千萬較土耳其為多土地膏腴物產富饒可墾
之地計有全部二分之一礦產森林遍地皆是皮毛藥材尤為
特產美國某博士曾經調查有遍地黃金之稱誠非虛語就利
源地勢而言均有開墾之必要現在北伐告成訓政開始有提
議青海設區之說誠為刻不容緩之事希望政府當局協力贊
助將移兵實地邊設官興學振興實業等事同時并舉使十年
之後將青海成為西北燦爛光華之區則不惟國家地方可增
無教利源即西北邊防亦因之而鞏固矣

反對閩鴻飛電

蘭州大帥省長鈞鑒頃聞中央任命閻鴻飛為青海勸業專員
實深驚疑竊思倡辦實業為今日最要之畧而青海實業尤為
年來一般人所注意之點竊中央眷顧西陲勸業植邊遠猷宥
憲誰曰不然但青海蒙番賦性愚魯篤於守舊艱於維新又地
連西藏強鄰窺伺界務未清時啓干涉措置稍一失宜凶係殊
非淺鮮歷年以來一切拓置事業但由邊方有司相機辦理不
事鋪張尚可推行盡利一經另立名目稍涉揚厲不免疑礙橫
生民國八年中央任命蒯壽樞為甘邊寧海屯墾使青海蒙番
羣起反對幾全激成變故爵等再四諭解僅告無事前車不遠
民情不可見年來馬鎮守使勅撫野番開通道路經營玉樹招

徒商賈增置理事壑開荒蕪用蒙番之人辦蒙番之事未嘗有
勸業之名而邊務日有起色上不糜帑下不擾民地方安謐世
有公論今若另設專員別立機關不獨駢拇枝指互相掣肘勢
必造端生事驚動邊情且既另派專員勢必另籌專款當此國
帑涸竭甘庫奇絀之秋安有餘力藉資挹注若曰就地籌款取
之蒙番則邊氓方苦窮乏何能擔此重負况新學少年長於理
想短於經費操切債事十出九敗今藏衛攜貳蒙疆倣援剩有
青海片土高延殘喘用人不當適促其命豈可聽淺人驟進之
言以宕疆為嘗試之地爵等忝膺要荒議負等謬充代表心所
謂危不敢緘默擬懇即座俯鑒下情轉呈中央代請收回成命

為國家省糜費為邊局有枝節臨電不勝迫切待命之至恭叩
福安

摘鈔金城集

高一涵

青海行

青海高如瓶在屋嶽本水源從此伏祁連庫坤

清會典高作庫坤

勢方極天

未膺秩察遺荒服秦岱峯從平陸起拔地僅及三千尺為山

原不藉丘陵丘陵終助山高直顛平地之山謝嶽峙高原之山車不

辭淺草青青沒馬蹄行過山頂人不知

日月山及巴顏哈喇山均不見高峯

山到極天

轉平步不自矜高真吾師闔門背負老鴉山浩浩清流水一灣

四海而今任往還吟域盡混何須閱平荒莽莽少城郭黃雲

黯澹連大漠我行海上已半月只見楊柳無松柏忽指前山見

蘭若擴慧翠柏紅墻交相錯霜皮黛色枝幹古全天幸避人剪

伐古來材大不求用
留伴雲煙寄巖壑
山中終歲披羊羔
裘雪擁峽口水不流
返轡蘭州先一笑
春風已上柈稍頭
尋春莫問春早遲
春到人間自有期
塞上百花齊放日
江南春去已多時

重遊西甯

前年西甯遇重九
黃葉紛紛滿地走
今來西甯又重陽
柳青梨赤天未霜
棗葉飄零餘我在
異鄉怕見菊
黃年年卧甕噉冰
雪孤負江南好
時節澄湖鮮碧蟹
初肥樓霞楓丹豔
於緋惆悵有家
踈不得撥人鄉
思雁南飛

九日遊塔兒寺

露衰黃花丹染楓
九日登高天無風
道人番服行人少
代步都

藉胡青聰探幽漸入無人境忽見塔影撐晴空法幢參天樓覆
地金瓦耀熠耀蒼穹吾聞蕃兒飲酪飽肉卧氈帳焉有樓台
亭閣如此其崇隆地近崑崙鄰星宿得非浮槎誤犯牛如宮又或
桃源仙境非虛摛不在南服在西戎衆僧迎客皆倒屣毛毳袖斜
披半肩紫睢盱偃僂能鞠躬幢牙排列幾半里經掌燈火如秋
螢撞鐘吹螺日誦經繡初衫楠紛爛漫參差佛閣影瓏玲潛虬
蟠梯通天上藻井彩錯耀中庭壁上森然動魂魄神物怪鬼繪
丹青出家還仍在家俗持齋食肉無檢束古拉轉過鈴挑明詩
因木桶而裝經典中有佛袖
承三用手持初發神經謂之持古拉餘事不勞動手足臨臥間聽風誦經

明長亦系抄錄經文積聚木架
古南風吹初燄聲以爲口福

咒水馭人登鬼錄一生誓磔十萬頭耶

有間情辨菽粟傾囊倒篋作法餓龕上堆金累珠玉一燈燃盡
萬民膏知是天臺是地獄嗚呼佛義自覺覺他人立志苦行不
為身惟願高僧了了無^邊念修到空空不染塵

樂都弔南涼王兄弟

礮伯城邊戰壘荒空餘湟水抱青唐白眉韜畧雄三傑赤手乾
坤冠五涼部曲不流仙海岬居民誰憶武威王甕中日月殊昏
暗馬上功名馬下亡

武王先
驤烏孤

花萼相輝羨友于傳檀機智蓋羣胡英才豈必生神宵名將寧
皆出聖儒忍見邦家隳乞伏痛憑鴛酒報烏孤骷髏台下泣百

龍驤

戰聲威墜半途

景王先驤
傳檀

秋日青海旅次雜吟

樹卷秋聲葉燦霞
書空雁字陣欹斜
秋風也是丹青手
繪出梨園滿樹花

野外寒花紅寂寞
道旁秋柳綠蕭疎
老來心事悲搖落
况是鱸肥雁過初

醉把茱萸爰晚香
西窗三度逾重陽
明年此日知何處
漫到他鄉即故鄉

天地蒼茫勅勒秋
風沙獵草颼颼虎
台碓峙麒麟岸
徧野牛羊是鄯州(獵)

飛昇羽化事無奇
滄海桑田信有之
蕃寺方傳人轉佛
仙湖又

道海生兒

孫海文傳
孫海文子

熊掌牛心羊肚羹朝朝席上列
山珍聊將斫鱠持
整手扒肉搏
耙學藏人

案上新供菊一盆
恰如人意淡無痕
連朝怕冒西風冷
坐對寒
英不出門

辯駁陸督宣言漢回世仇電文

分送蘭州省議會教育會商會農會分送涼州甘州肅州平涼
寧夏狄道隴西天水各教育會商會農會諸先生鑒頃見隴東
鎮守使陸洪濤致全甘各界宥電開始即以漢回世仇為言閩
之不勝駭詫彼陸某因政治上之關係反對個人言論自由夫
誰得而干涉若乃挾仇視異種之見以挑撥甘肅漢回之惡感
而貽禍地方則禱有誓不能承認者請謹為父老兄弟垂涕
道之故族自唐時入安龍右千餘年來漸與漢族同化其間
雖嘗因互相猜疑偶起衝突然未嘗不始相見以兵刃終相
忘於江湖此蓋世界萬國合複種為一邦者所必歷之階級

也况中華民國以五族組成明明載在約法一視同仁豈可自
分畛域必若如陸軍追尋歷史上舊仇則蒙滿皆嘗以武力
竊據中原非世仇乎吐蕃亦於唐時陷沒隴右非世仇乎是故
遵重約法則不能論世仇若論世仇則必破壞約法肇中國
以分裂之機此麒麟誓不能承認者一也改革以來麒麟與翰如雲
亭諸公忝膺保桑梓之責對於治軍治民無不力持公平
所日夕矜矜者唯是化除意見聯絡感情之為亟所幸誠
意相孚漢回日形水乳乃陸某於風平浪靜之時無故而
倡世仇之說以惑遠近之觀聽愚民無知一倡百和謠詠繁
興漢民以尋仇而起嫉視之念回民以被疑而生成恨之心市

虎杯蛇執必釀成大亂陷全甘於糜爛地之此麒麟不能承認者
二也馬雲亭督甘之說本係報紙所載不足為憑若已見命令固
不可反對中央若未見命令亦何必無病呻吟且彼既以仇視異
種之見反對回人之督甘則甘肅百萬回民亦有生命財產亦安
能聽仇視者之臨制其上勢必反對漢人之督甘彼此報復相
尋不已刺至中央命令不能行於甘肅此麒麟誓不能承認者三
也陸雷又云馬氏督甘必將流禍涼州然則鎮守甘州者必將
流禍甘州鎮守涼州者必將流禍涼州鎮守寧海者必將流禍
寧海推此說也必將舉回民之公推剝奪盡淨使帝為治於
之人而不得為治人之人然後快於心歟彼中華民國之約法所

賦子人民平等之權利我回族乃獨不得享有偏枯此至何名
共和此麒麟誓不能承認者四也總之回漢世仇之讐言不獨甘
肅排回人所不能承認想漢人亦決不能承認彼陸某久官甘
肅何以忽出此不詳之言且五族共和已經九年何以始不仇
視回人而令忽仇視此必為人所利用致使甘肅九百萬人民
自相殘殺而坐收漁人之利凡屬有識當能洞燭其隱隱麒麟為
尊重約法起見為維持桑梓起見為擁護中央起見為保護人
權起見不得不大聲急呼正告我九百萬同胞曰吾甘漢回相
安已久萬不可聽信他人之邪說自擾龍上之治安諸公洞明
時局愛護桑梓對於陸電之是非必有卓見麒麟心所危不敢不

言謹佈區區佇侯明教馬廐鑿印

陸督上執政力詆回族原電

特急北京執政鈞鑒新密甘省種族複雜爪牙四張每遇中原
多故有觸即發實根據數百年相承之歷史最近扣前清同治
癸亥光緒己未演成流血殘刺漢民被難動輒數萬家事實彰
彰迄今城邑凋敝廬舍印墟戶口蕭條生計匱乏道路相顧以
目不敢明言誰何凡稍知甘情涉足甘境均能知之能言之非
洪濤一人之私言也近因中央政變寧海各鎮始則致因利乘
便聽綏馬之煽使聲言派兵援助吳巡閱使糾合族類蒐集軍
實嗣因大局漸定又復由綏馬散布流言捏造黑白任意挑撥

雖經我執政洞燭其奸屬赴津京代表傳諭勗勉洪濤於十一
月養日曾上一電表明心跡亟盼特局定後遂我初服願列平
民區區愚忱早蒙鑒察乃本月以來迭據士民奔走相告導河
一帶向為彼族根據地之上下五堡皆有應門兵之募丁壯絡
繹日且不絕於道居民驚惶婦孺肆徙異口同聲僉謂綏馬將
來長甘回鎮約為內應彼族握政吾人將無焦類大禍即在日
前夫以左文襄之雄畧挾其戡亂餘威經營有年僅能俾免無
事苟且相安民國以來有擬以回制漢政策者兵權濫假遂令
八鎮中回族已佔其四且各挾其誅求無厭之婪心對於徵收
賦稅敲撥掠奪慘不忍聞每歲賣兒鬻子以供苛斂者不

千家此皆事實無可諱言僅恃此空名之軍民長官上託中央
威德下盡調護之苦心撫集瘡痍彌縫罅漏稍可補救於萬一
現聞綏馬長甘不自發表在洪濤年將六十個人去就何閑輕
重惟服務此邦先後愈三十年心所謂危不敢不告實言之如
今彼族於四鎮之外再加一手握政權之省長則一切用人行
政高下在心漢族永無復有立足之地而隴上數百萬子餘無
告之民將聽若輩束縛宰割正得其所竊恐黃河流域即我執
政競令諒有不能行使之一日洪濤即不認坐視甘民陷於萬
劫不復之地位亦不忍熟視中央受彼悍族愚弄之狡謀惟有
即早引退以避兇鋒迫切陳辭罔知忌諱伏乞我執政鑒鑒裁

奪甘民幸甚國家幸甚甘肅督軍兼有長陸洪濤叩有印

青海行

居正

天作高山累西北，崢嶸詭譎擁冰雪。鳥飛不下獸亡羣，風蝕日
侵經浩劫。驚湍一瀉滙青海，泛濫橫流遠弗屆。音源湟源兩發
允，崑崙分注黃河帶牧民。原逐水草居西寧，置府建城深漢回。
蒙藏漸蕃殖，畫省設縣治其餘。縱橫上下多未闡，龍象獅虎護
神密。探險考古事非常，草草勞人望莫及。駕言遠出寫我憂，本
願從赤松子遊，俗塵滿目面撲不得自笑。凡庸也，沐猴舉蘭發
輒經河口老鴉碛，險迴腸九亭。享堂三餐手抓羊，隨順民和巡細
柳晨興中道憩，樂都公園款注傾。醍醐樂家灣前兵車列，綠楊
夾道相歡呼。入城下榻崑崙館，賓之初筵秩不腆。參觀演說玩

麒麟異服異言羣雜染時維盛夏天中節僉曰頁本晒佛熱萬
千里外人來朝三步一拜手足厥赴感應身矣若是名高西藏
塔兒寺黃教教主宗喀巴活佛出世降於此我從善信去隨喜
縣廟街名魯沙爾邑宰領衆出郭迺喇嘛成羣前作禮簇簇擁
入梵王宮棟宇輝煌圖繪工朱簾綺柱金布地幢幡寶蓋坐居
中僧網殷殷獻哈大達賓從圍繞情歡洽婆須密女引吭歌乾
闥婆神吹尺八苾芻道遊小金殿旃檀樹花開前兒象王獅子
伏兩旁酥香油燈張滿面攝身拾級登大寶門墻方廣九星耀
普光傳金衆三千一講一拍心印照後殿高龕供化佛華藏莊
嚴無量教迴廊繞遍轉法輪多寶佛塔居上首神力殊勝顯威

靈五體投地拜靈馨宗喀巴祖師胞衣埋此塔擅越布施
金滿屋妙不可說有如經典座指引觀丹竈銅釜高大深
如奧據云一次只熬茶八萬四千禪悅飽色聲香味觸準
頭出寺呼吸沆小休地勢殊勝如蓮辦名山僧占何莫由
薄暮回宮深夜雨氣候高寒燒火樹繡佛太暴勢不能歡
喜逃神會克舉場設輪殿廣天井卵石平鋪雨洗淨四衆
眷屬喜聞薰八部神祇期灌頂空中渙汗其大號香烟繚
亮如來到紅綠面具神出場鼓樂和聲乍于跳回身引出
四小虎搏拊儼然百獸舞夾擊鳴球鹿出頭魔軍夜叉行
暴露爾時狀況入緊張大幕揭間諸天王璽塔交映繡衣

指崢嶸頭角全放光蕩金噶嘉大神變風雲叱咤修羅戰
舉刀刺入魔心腔諸神上前支鮮遍天女散花俱稱快鼓
停樂止收華蓋相傳魔指年羹堯昔日殺佛令索債降伏
大法會告終作禮而退舉融融班禪轉世又在此果真聖
地產大雄或有問余西來意一般感想何所謂浮雲落日
覺有情雪泥鴻爪留天際

國務院公函

年

字第

號

逕啓者准工商部函稱接准函開奉

大總統發下蒙審宣慰使馬麟呈擬經營青海四事
奉批交國務院查核辦理等因除分函外相應抄錄原呈
送請查核辦理附抄件等因到部查呈內所稱因屯兵之
便進籌墾牧開鑛等實業以為開闢利源擴充軍費
之基礎等語青海鑛產豐富人所共知惟地處邊陲人民
僻陋既無軍隊之保護復鮮交通之機關經營實業似尚
非其時該使志切籌邊本部職守所及自當相助為理如
陸軍部決計派兵駐屯本部當即遣員勘鑛擇其易採易

鍊易運者先行試辦俟交通稍便再圖擴充現在擬請轉知該使迅將所稱貢爾蓋及鳩沁雪山等處已經發現之全礦逐一調查取具圖說函送本部以便酌量情形預為計議等因相應函知

貴宣慰使迅將貢爾蓋等處全礦逐一細調查詳列圖說逕送工商部查核辦理可也此致

蒙 貴宣慰使

中華民國二十一年十一月十六日

國務院公函 年 字第 號

逕啟者據蒙藏事務局呈稱准國務院秘書廳公函

內開奉

大總統發下蒙番宣慰使馬麒呈明奉令祭海詳察情形
並擬經營青海四事請鑒核示遵等語奉

批據呈已悉交國務院查核辦理此批等因除分函內務
陸軍農林工商各部外相應抄錄原呈送交核辦等因到局
查原呈第一條請扼要駐兵一節青海幅幘遼濶人烟稀少土
地荒蕪番民頑固當此西北多事之秋最易受奸人鼓惑而流
為盜匪小之為害地方大之損及國家扼要駐兵實為控制
蒙番鎮守寧海之要圖惟事關軍政應仍請交由陸軍部迅即
核辦又原呈第二條亟應改良會盟一節向例祭海會盟本以

聯絡感情疏通隔閡惟相沿既久徒存具文各王公并不親到僅派代表蒞會虛應故事而已自應亟宜改良以復舊制而期實效即所稱蒙弱番強藉會盟以平其不平各部亦不為無見惟向例會盟每年一次該宣慰使意欲改為每年兩次有無騷擾滯碍之處至會盟地點最宜適中免致蒙番有奔走跋涉之苦均應由該宣慰使體察情形妥籌辦法呈報本局以憑核辦又原呈第三條收撫番族一節本局前據番族代表呈請仍照舊管轄一業曾經本局呈請總理轉呈大總統鑒核於本月二日奉

大總統批據呈已悉准如所擬辦理應即分電查照此

批等因奉此比即通電甘肅都督西寧辦事長官川邊
經畧使等在案該宣慰使所稱各節事同一案應請飭
下該宣慰使遵照

大總統批示稱理至原呈第四條進籌各項實業一節
均屬當今籌備急務墾牧魚鹽礦五事果能認真辦理實
力進行但期一項見效其利已不可勝收况五事並進既可
以利賴地方人民復可以接濟軍餉豈宜任其利棄於地
不為提倡惟可墾之地如柴達木玉樹等處究有幾何
地質氣候之殊是否與陝甘畧同此外何處尚可放墾如河
流泡池魚類產額是否富厚鹽質可以比較內地何種土人

製造者若干戶如運銷陝甘新諸鄰省能否獲利牧
畜較以上三事更易著手且羊毛為我國出口大宗貨物
如能採辦外國美利奴綿羊改良羊種廣為牧飼其利
尤夥至於貢爾蓋及瑪沁雪山等處金礦汪什代克族游
牧地鉛礦剛察族游牧地銅礦據稱皆最富礦產現在何處
是否繼續開採每日產額若干採法如何資本若干何處尚
未開採應如何籌畫進行之處應由該宣慰使就近遴員
前往分別調查務期周詳一俟該員調查完竣呈報到
局再行核辦可也以上各條除函致該宣慰使查照辦理外
理合呈請鑒核飭下遵照等語除扼要駐兵一節應候陸

軍部覆到再行酌辦外所有蒙藏事務局核議呈
覆各部相應先行函達

貴宣慰使希即妥籌查覆以憑核辦再該局前核議番
族並舊管轄一案照錄呈批一并抄寄此致

蒙番宣慰使

附抄件

中華民國二年十一月二十五日

蒙藏局公函 二年函字第百號

逕啟者前准

貴宣慰使咨呈奉

令祭海詳察情形並擬經營青海四事請查核辦理等
因本局正核辦間旋奉國務院交

大總統批一件事同前因查原呈第一條請扼要駐兵一節
青海幅員遼闊人烟稀少土地荒蕪番民頑固當此西北
多事之秋最易受奸人鼓惑而流為盜匪小之為害地方
大之損及國家扼要駐兵實為控制蒙番鎮守寧海之
要圖惟事關軍政應由國務院交陸軍部迅即核辦原呈
第二條亟應改良會盟一節向例祭海會盟本以聯絡感
情疏通隔閡惟相沿既久徒存具文各王公并不親到僅
派代表蒞會虛應故事而已自應亟宜改良以復舊制

而期實效即所稱蒙弱番強藉會盟以平其不平等語
所見甚是惟向例會盟每年一次

尊意擬改為兩次有無騷擾滯碍之處總宜既收實効
復無擾累為依歸至會盟地點最宜選擇適中之地免致
番蒙有奔走跋涉之苦均應由

貴宣慰使體察情形妥籌辦法呈報本局以憑核辦原呈
第三條收撫番族一節本局前據番族代表呈請仍照舊管
轄一案曾經本局以國是甫定邊疆管轄未便輕易更變
呈請

國務總理轉呈

大總統鑒核於二年十一月二日奉

大總統批據呈已悉准如所擬辦理應即分電查照此批
等因奉此比即通電甘肅都督西寧辦事長官川邊經畧
使等各在案

貴宣慰使所稱各節事同前因應請准照

大總統批示辦理可也原呈第四條進籌各項實業一節均屬
當今籌邊急務墾牧魚鹽礦五事果能認真辦理實力進
行但期一項見效其利已不可勝收况五事並進既可以利賴
地方人民復可以接濟軍餉豈宜任其利棄於地不為提倡

惟可墾之地如柴達木玉樹等處究有幾何地質氣_候殊是

否與陝甘略同此外何處尚可放墾各河流泡池魚類產額
是否富厚鹽質可以比較內地何種土人製造者若干戶如
運消陝甘新諸隣省能否獲利牧畜較上三事更易著手且
羊毛為我國出口大宗貨物如能採辦外國美利奴綿羊改
良羊種廣為牧飼其利尤夥至於貢爾蓋及瑪沁雪山等
處全礦汪什代克族遊牧地鉛礦剛查族遊牧地銅礦據稱
皆最富礦產現在何處尚繼續開採每日產額若干採法
如何資本若干何處尚未開採應如何籌畫進行之處應請
貴宣慰使就近遴員前往分別調查務期周詳一俟該員調
查完竣呈報本局再行核辦以上各條除呈覆國務總理外

相應函達

貴宣慰使查照辦理可也此致

蒙番宣慰使西寧鎮總兵

中華民國二年十一月十九日

入隴吟（中華民國三十六年六月三十日和平日報）

易君左

曉發平涼

雲橫山嶺柳夾堤，一片蕭蕭駿馬嘶。
騎兵遠來自青海，長鎗黃服英雄姿。
壯哉此行驅何處，前線生靈待解救。
號音清越薄雲霄，旗影翻飛搖山谷。
平涼郊外桃花開，胭脂暈面映妝臺。
春風浩蕩馬蹄急，剪除荆棘闢蒿萊。
峯迴路轉雲又起，一軍衝向亂山裏。
懸巖激澗過三關，益念楊家賢父子。

民國三十一年巡視青海紀行雜詠十四首

張維翰等鵬

入疆首邑過民和一路溪山霽色多祇惜通遠仍險絕老鴉
峽上有危坡空車猶自賴人扶穩度崎嶇到樂都一路清風
拂翠柳牛羊茁壯瞰平蕪夕陽欲下返郊坰湟水沄沄照
眼青微瞥滅明煙樹裏萬家燈火是西寧并時趙李俱名
族西狹摩崖世早傳碾伯一碑新出土後光相距已千年

漢光
和三年趙寬碑近在樂都縣出土

一片貞珉今尚存浩疊趙掾翁孫書風不異燾平石大
似中郎蔡虎賁輝煌富麗塔爾寺僧侶如雲信大觀千
百壯夫甘坐食逃空徒自倚旃檀耀日旌旗滿市街家

家鮮卉供盆栽羣情忤舞軍容盛齊待元戎羽節來
時委員長蔣公將蒞青巡視

左右清流映急湍陰陰萬木夏生寒大通城外園林好攝
景真堪作畫看三日勾留視會垣巡鄉取次上湟源地高
竟有寒^各意吹律期同黍谷溫省縣區鄉各有林十年
樹木已森森葱蘢直欲青成海勸課栽培見苦心自
治規模已植基徐臻上理應無疑邊陲信有才難歎文
教覃敷未可遜力穡都為自有田歲雖一穫亦豐年獨
憐多少勞心者清苦還須益俸錢歸途又阻馬迴坡斷
岸千尋可奈何半日經營成絕棧陟危幸許一車過已過

險境仍難行坦道淪為數壑橫投宿荒村鷄犬寂新

秋夜月一窗明

本處同人到麒麟公園會餐口占七律二首 丰隱山人香齋

昔日麒麟此處遊
河名焜耀閱千秋
南尋源脈經番地
北望山光列土樓
三伏雨來紅賦浪
數渠水決綠盈疇
公園好景真無限
牽動詩懷吟未休

麒麟河上麒麟遊
麟去河來春復秋
壁峭近連鳴鳳嶺
磨雙遙接倚虹樓
種多松柳林千樹
色雜蒼黃麥滿疇
雨許同人頻梅
戰興高米烈醉方休

西北行

民國三十一年春受命遠征周旋緬印秋間返國述職隨節
巡遊西北諸省匝月徧閱先民偉績欽聞

主帥嘉謨課發思古之幽情高吟肺腑攄籌邊之壯志願竭

股肱得詩十六章以當宿諾茲行扈從者夫人暨吳忠信禮

卿蒙藏會負朱紹良一民第八戰區司令長官賀耀祖貴嚴侍從室主任谷正倫

季帝甘肅省政府主席梁寒操均默政治部副部長吳澤湘醴泉外交部新疆特派員胡宗

南第八戰區副司令長官毛邦初空軍總指揮於平遠陳希曾俱侍從室主任併記於此

慈威羅卓英

由重慶乘崑崙崙號機經成都造飛皋蘭

國南方展垂天翼又倚高雲西北行星海蘭河姬水脈雪山葱
嶺漢家營低風嘶馬塵初動大漠盤鷗月最明漫對重關嗟失
險寸如心鉄鑄邊城

由蘭州飛西甯即景

帥節西巡意態閑大鵬張翼瞰濛寰胸摩星斗無遮礙朕扶
雲霞任往還博望浮槎疑海角營平屯隴贖人間眼中奇景天
然畫千里黃河萬疊山

空中巡遊青海

高原莽莽互遐荒萬里江河北濫觴隱約禪林藏日月

俯瞰日月
山到雲接

佳絕依稀羶幕帶護牛羊

士氏張幕帶游
牧歷可殺

款從瀚海開新績遠憶崑

崙是故鄉草綠霞紅天一碧
幾疑仙女織雲裳

西甯紀感

列騎郊迎靜不譁
旗飄萬戶襯香花

馬王席步在馬軍長步青迎謁感况

遼天競中書

令聖地遊傳宗客已

驚塔兒等傳為黃教王宗喀巴出生聖地僧徒為眾鳴笙張備第迎親王帥夫揚

願效馳驅輸

孔阜歡騰踴躍會無遮

蒙藏諸族男女首領千人咸趨者存貯訓甚極恭獻國后馬種五百匹

老成謀國西

陸固漢藏蒙回本一家

跨州越郡若飛仙
纔過湟源便酒泉
萬頃流沙荒朔漠
千年積

雪老祁連長城蜿
曲從頭起遠樹
蜃樓幻眼前

在戈壁中遙望紅樹奇景可觀

此教呼檀道濟
鞭山鎖海控燕然

由西甯飛越浩
宜祁連抵肅州
降嘉峪關

誄周希武文

汪青

維中華民國三十年辛巳夏四月八日同里汪青謹以野
花山葬致奠於亡友周君子揚之墓前曰嗚呼痛哉君
官青海我遊四方今我來青而距君之歿已更十四星
霜矣雖音徽已沫而翰簡猶新墓草成列而深悲
莫被河山無恙城堞豈非舉目言笑則僅衡甫仲遠
二人前塵如夢墜之歡莫拾往昔秦關燕台與吾子
聯袂之遊竟不能廣續於此時此地耶嗟呼生死之
數疇其能免彭殤同劫矣事過哀顧吾之弔子揚
悲子揚而弗能自戢者非不能達誠以為國為鄉深

恫此才之不易得而天奪之又何速也君以博驚之
姿肫篤之性少治舉業非所好也讀書樂道頗祁
嚮於伊洛之說洎從周仲標遊又轉手而為致用之
學如船山史論太冲明儒學案寧人音學五書日知
錄舉凡晚明諸遺老之所撰述靡不搜求觀覽毋非
而滙通之博涉多通不為一先生之言所囿皖南江
戴高郵喬梓以及漢學師承宋學淵源二窮原竟
委既而窺見一垣輒忘憂忘食至於益背見面雖携
菹戲於側箏琶喧於前而猶昂首高詠一若充耳
無聞也者故能於乾嘉學派辨浙支喬如數家珍

濶翻舌底且也幼承家學爛精乙部初讀通鑑意甚樂也繼又進而治二十四史知治史之要厥唯輿地由二顧之郡國利病方輿紀要參以水經而上溯於禹貢自是九州疆域瞭如指掌至如劉知幾章學誠之所為尤為畢生治史之鵠的故所撰漢書地理志今釋甘肅通志糾謬二書在君則僅出緒餘然已憂憂獨造非讀人間短書者所能夢見隻字君既根柢經史學植深厚發為文章自然有物用是波瀾壯闊莽無涯涘又復導源騷雅而以沈博絕麗為主不沾沾依人牆壁徒以襲兒為工也君詞鋒健甚執里中談士之魁柄每於

豆棚瓜架之間苦茗一甌聚牛厚澤張晴麓姚衡甫汪青
輩暢論學術源流口滔滔若倒江海朋交中得其牖啟
者不僅此數子即里中俊髦作詩知有三元作字知有
漢魏為文亦不規規於桐城義法是皆君振導乾揚
之功雖法乳不傳親炙甚夥而筆路襍禮大登山林
隴上自守雅二酉而後其學術文章足以自開戶牖不
立故常堪稱為異軍蒼頭拔幟而起者百餘年來
吾子一人而已君以姸雅之才當壯盛之歲假令埋
首空山其造述之富又豈在邢張下徒以饑寒驅使抗
走俗塵當合泚秉政之日君入都與冠裳之會維

時亂象已成獻替無所於是下長江登匡廬過鄱
陽湖望金焦兩點吟眺於三竺六橋得江山之助彌復
鬱勃抑塞返都後成榆枋游草故多悽咽之音此
後烽火燭天荆榛塞路哀齡老父望斷家山無依
妻孥猶羈湟水蒼莽家國之感一時潮湧於中毅
然返湟為述職也公而後私理應然也府主之於
君倚若心膂遣作行人俾入蘭州孰意天降鞠凶少
微罹劫行次突被狙擊慘焉殛謝嗟呼來君叔為
何人所賊聞者無不隕涕賈長沙當賦鵬之歲識者
知其不詳天乎人乎誰尸其咎腐心切齒欲語無

詞惟有歸之於勞勞杳杳不可得知之數與命而已
矣君之內到滄中也以先有玉樹之行詞知夷情甚
備意謂拓荒移民屯田實邊為目前切要之圖陰
具條議將欲上之當路而僚友中忌其瑰異尼不
得行君由是始發憤著書而攬轡登車之心已稍稍
淡頽矣綜合君一生治學次第先執贄於藍田牛
先生之門殆欲有所開益惟牛君為賀復齋高弟
僅僅墨守洛閩門戶似非君所需也民國初元投書
于涼州李叔堅先生時先生高卧里第閉門甚堅書
凡三上始得通謁李君為學根柢蟠深說經兼擷漢

宋以君詞華瞻則則以闡揚幽光相勗未來方志且
竊竊屬望焉身於是治學之方又為之一變顧於鄆鄭
之學寢饋已深心之所嗜未能割棄在都詣新會梁
先生輒殷殷以完成青海志為言君得其鼓舞初念
一角一變焉決志歸里成此絕業倉卒出都此一因也乃
所志未竟遽忽殞歿一人之齋志以沒所闕尚淺而
隴上學者接軌無人則不能不掬一腔熱淚痛桑梓之
福恡也差幸君雖飲恨青山而室有德曜含辛茹苦
教子有方元季彬彬終必光大鬱沉甚者發揚亦
烈此亦理之所當然者然則君亦可以含笑於九泉

矣獨是弟名未成應有許武之憾我來已暮彌深
范式之悲浩亶堂堂土樓匆匆自傷衰謝一再至難期
梁節菴謁陳右銘墓詩云欲去仍留腸已斷哀遲真
恐不重来川原沈淪幽明間隔莫由瞻對謹掬微忱
伏惟鑒諸嗚呼尚饗

誄李迺祭文

汪青

龍蛇交替之歲干戈倏擾之時東海塵飛西山薇盡天
水汪子作湮垣之小位而馨齋先生已早返道山矣
斯人一去遂覺城市寂寥端居無神契之雋出游
乏肩隨之侶側身四顧天地低昂欲語為誰但有哽

咽不佞與先生為文字摯友大抵陝甘青寧人士稍
有出境之交年在三十五以上者蓋無不知之顧不
佞之於先生雖投分至深而晤言之緣終淺約略二
十年中僅有數之盤桓耳民國九年甘肅有移督之
舉八方風雨會於寧夏不佞與先生亦先後戾止初
猶未之見也一日適於酒邊一談大契既而邀至逆旅
解帶寫誠明日凌晨不佞輒去蘭皋其肝膽炯炯照
人如雪雖寥寥數語而冰天躍馬時猶覺溫煦之
深情勝於平交之縞紵也未久先生來蘭會入為
節樓揖客雖同客一方而文酒之會亦甚稀偶或蕭

寺從游秋山說藝晤言之款密未嘗不沁入心脾顧以
先生深居簡出鮮通賓客不佞亦畏謁朱門恆數月
不一造膝綜計一兩年中讌游只數次而已然使人鐫刻
魂夢雖畢生不能忘者厥為最後在蘭之一見先生
以青就醫至主上水巷廡齋不佞聞訊往視時蓋晨
八時許雖言笑極歡而意態神情則已偃蹇已甚猶
記先生之言曰國民軍往與滬中有事予重閣臣總
戎枉顧之雅遂許馳驅主者以大局為重予亦殫籌
筆之勞攬槍瀕天化為玉帛乃虔劉甫免而余之幼
子殤矣旋復一目成瞽即讀書之福天亦奪之報施勞

人固若是耶今老矣壯志莫酬雄心盡冷妻孥均非而
繫戀惟有二三素心之友時時縈回於吾胸中顧某也
已擁厚資矣某也亦鄉愿也祇君一人天真不鑿得此
竟日之談吾懷乃大慰談至夜分猶娓娓不能休先生
固不任去不佞亦不忍竟去也其家人謂先生近三年來
滔滔暢談此為第一次慈舟在坐勸其靜攝始珍重
而去又詎意半日之聚永為百年之別今先生一瞑不
視那計陸沉而不佞微命如絲方媿女世網鼓舞中流
之楫商略新亭之淚安得不大荒搔首惜此霸才也
哉先生少負狂名世俗畏之如虎其狎侮似劉季使氣

似灌夫揮拳如伯倫罵人如子驥然聞人有一言之善終
身稱美不衰見人有一節之長又未嘗不斂容起敬蓋
生平最不能忍者城府深阻而工為令色或盪盪不
飾以壽為廉則皆終其身不能強合者也先生遇不
佞敬敬謹愿至締交迄訣別始終無倨慢之色久而
能敬真古之人哉嗚呼哀哉今日已矣而今而後寧
復重邁此古貌古心之人哉賸水殘山之局天荒地老
之悲浩疊不休此懷曷已雞鳴風雨涕泗滂沱嗚呼尚饗

羅家倫吟

「青海歌」

西北建設考察團離青前夕，馬步芳主席曾舉行青海歌舞會，藉表達別之意。羅團長家倫即席吟贈「青海歌」一首，以資留念。原文云：

青海青青黃河黃，更有那滔滔的揚子江，雪
白白山蒼蒼，祁連山下好牧場，好牧場一片汪洋，這裏

有成羣戰馬，十萬牛羊，馬兒肥，牛兒壯，羊兒
的毛好比雪花亮。中華兒女來吧來吧，拿着牧
鞭，騎着大馬，背着刀和槍，隨便馳騁在這高

原上。我們更不要忘這偉大的崑崙，我們的

祖宗就在這裏發祥，我們要踏到這山頂上，揚
着三民主義的火把放出世界的光芒。

照抄清朝文獻通考 (卷二九二) 輿地二四

恭載

世宗憲皇帝御製平定青海告成太學碑文

我國家受

天眷命撫臨八極日月所照罔不臣順遐邇通乂安兆人
蒙福乃有羅卜藏丹津者其先世額實汗自國初
稽首歸命當時使臣建議畀以駐牧之地其居雜
番羌密近甘涼我

皇考聖祖仁皇帝睿慮深遠上廔廕於懷既親御六

師平定朔漠成靈所加青海部落扎什巴圖爾等

震讐承命

聖祖仁皇帝因沛殊恩封為親王兄弟八人咸賜爵
祿羈縻包容示以寬大而狼心梟性不可以德義
化三十年來包藏異志朕紹登寶位優之錫賚榮
其封號尚冀克輯寧部眾而羅卜藏丹津昏謬
狂悖同黨吹拉克諾木齊阿爾布坦溫布藏巴扎
布等實為元惡謂國家方宏浩蕩之恩不設嚴密
之備誕敢首造逆謀迫脅耆羌侵犯邊城反狀彰
露用不可釋於天誅遂令川陝總督太保公年羹
堯為撫遠大將軍聲罪致討以雍正元年十月師始

出塞自冬涉春屢破其眾凡同叛之部落戈鋌所指
應時摧敗招降數十萬眾又降其貝勒貝子公台吉
等二十餘人朕猶憫其愚蠢若悔禍思愆束手來
歸尚可全宥而怙惡不悛負險抗違乃決翦滅之計
以方畧恭付大將軍年羹堯調度軍謀簡稽將士
用四川提督岳鍾琪為奮威將軍於仲春初旬禡牙
徂征分道深入搗其窟穴雷掃風驅搜剔巖阻賊
徒倉皇糜潰窮蹙失據羅卜藏丹津之母及逆
謀渠魁悉就俘執擒獲賊眾累萬牲畜軍械不可
數計賊首逃遁我師逾險窮追獲其耑重人口殆

盡羅卜藏丹津子身易服竄匿荒山殘喘待斃自二月八日至二十有二日僅旬有五日本軍士無久役之勞內地無轉輸之費克奏敷功永清西徼三月之朔奏凱旋旅鏡鼓喧轟士眾訢喜四月十有二日以倡逆之吹拉克諾木齊等三人獻俘

廟社受俘之日臣民稱慶伏念

聖祖仁皇帝威靈震於遐方福慶流於奕業用克張皇六師殄滅狂賊行間將士亦由感激湛恩厚澤為朕踴躍用命斯役也芟夷凶悖綏靖蕃羌俾烽燧永息中外人民胥享安阜實成先志以懋

有丕績廷臣上言稽古典禮出征而受成於學所以
定兵謀也獻馘而設奠於學所以告凱捷也宜刊諸
珉石揭於太學用昭示於無極遂為之銘曰天有雷
霆聖作弧矢輸仁而行威遠寧邇維茲青海種類
實繁錫之茅土列在藩垣被我寵光位崇祿富負
其阻遐禍心潛構恭惟

聖祖慮遠智周瞻念荒服綏撫懷柔朔野既清西陲
攸震爵號存加示之恩信如何兇狡造謀逆天鼓
動昏憝寇侵於邊惟彼有罪自干天罰桓桓虎
貔爰張九伐王師即路冬雪初零日耀組練雪響

輦鉦蠡茲不順敢逆我旅奮張螳臂以當齊斧止如
山嶽疾如雨風我戰則克賊壘其空彼昏終迷曾不
悔戾當翦而滅斯馬決計厲兵簡將往搗其巢踰
歷嶽嶮坦若烟郊賊棄其家我繫而獲牛馬谷
量器仗山積蹇兔失窟何所逋逃枯魚游釜假息
煎教師以順動神明所福旬日凱歸不疾而速殪
彼逆謀懸首藁街執俘成禮金鼓調諧西域所瞻
此惟雄特天討既申羣酋揚息橐戈偃革告成
辟雍聲教遐暨萬國來同惟我

聖王祖親平大漠巍功煥文邁桓軼酌流光攸久視此銘

解繼志述事念茲在茲

校對

書論
電行
詩函
文歌